



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Collegiis Canonicorum Per Germaniam, Belgivm, Galliam, Hispaniam, Italiam, Aliasque Orbis Christiani Prouincias, Liber Singvlaris

Le Mire, Aubert

Coloniae Agrippinae, 1615

Capvt XIII. S. Hermetis Rotnacense Collegium in Comitatu Flandriæ &
dioecesi Mechliniensi.

urn:nbn:de:hbz:466:1-11227

S. HERMETIS ROTNACENSE
*Collegium in Comitatu Flandriae & diœcesi
 Mechliniensi.*

Rotnacense Canoniorum monasteriũ in honorem SS. Petri & Pauli Apostolorum fundauit S. *Amandus* Traiectensis Episcopus; testibus Chronographo Cameracensi, & Iacobo Guisio Hannoniæ Chronographo. scribunt ijdẽ hoc in loco pretiosum Dei Martyrẽ Hermetẽ quiescere, & monasteriũ istud à Ludouico Pio Imp. Caroli Magni filio, Indensi Benedictinorum monasterio (quod hodie S. Cornelij dicitur, apud Aquas Granisum) cum vniuersis possessionibus esse donatum.

Balduinus tamen Chronographus teste Iacobo Guisio iam citato, Rotnacensis monasterij fundationem Gerardo Rousillonio attribuit, aitque eum floruisse tempore Caroli Martelli, & cum liberis careret, fundasse insuper Basilicam Antoniensem, Basilicam Lutosanam, Basilicam Realcourtanã, seu Raucurtenantem & Basilicam Condatensem.

Cæterum Guisius, ad diuersas istas opiniones conciliandas, ait fieri potuisse, quoniam duæ Rotnaci sunt Basilicæ veteres, vt earum vna à S. *Amando*, altera à Gerardo Rousillonio

nio fit fundata; successu autem temporis Reges ac Principes de ijs pro suo libitu statuisse. Gerardus porrò cognomento Ronsillonius, Comes Burgundiæ, Neruiæ, & Brachatenfis tractus, vxorem habuit filiã Imperatoris Constantinopolitani, sororem vxoris Caroli Martelli, & contra eundem Carolum Martellum, rupto amicitiaë vinculo, diu bellum gefit. Factumque vt multa castra à Gerardo ædificata sint bellicis furoribus deleta, vt *Gerardi mons*, *Manfley Gerardimez*, & castrũ *Viermenfe*, inter Angianum & Gerardi Montem situm. Inita demum pace, cùm Gerardus nullos haberet liberos, fundauit monasterium *Lutosanum*, cui *Badilonem* præfecit Abbatem; Basilicam *Antonienfem*, in qua *Corpus S. Maximi* Episcopi Regiensis & Doctoris Ecclesiæ collocauit, monasterium *Condatense* in honorem B. Virginis, in quo moniales collocauit, Basilicam *Rotnacensem* in honorem S. Petri, item Basilicam *Roicurtenfem* siue *Royaulcourtenfem*, in qua corpus S. Hadriani Martyris collocauit, quod inde Balduinus Flandriæ & Hannoniæ comes ad Gerardimontense monasteriũ transtulit; Item Basilicam de *Hontaing*, in qua corpus S. Quirini Martyris, & alias Basilicas varias, quas reliquijs Sanctorum varijs decorauit.

Idem Gerardus per *Badilonem* Abbatem curauit corpus S. Mariæ Magdalenaë Aquis Aquitanianæ

quitaniæ

quitaniæ opido Vizeliacum in Burgundiam transferri, indeque partem eius Lutofam deuehi.

Ita Guifianus in manuscrip. Hannoniæ Chronicis libro II. vide & Molanum in natalibus Sãctorum Belgij & Meyerum, in Annalibus.

CAPVT XIV.

NIVELLEENSE COLLEGIVM
Canonicorum & Canonissarum in Brabantia.

S Gertrudis Virgo, Filia Pipini Primi Brabantiaë ducis, clarissimis & per totam Europam peruulgatis, orta natalibus, ab ipsis pueritæ annis viam mandatorum Dei ingressa, omnem lubricæ ætatis leuitatem fugiebat, & assiduè matri *Itte* adherens, ab ore eius trahebant verba vitæ & disciplinæ. ancillis suis se ancillam præstabat, nec vsquam natalium suorum sublimitatem attendebat. Dum autem altiori proposito virginæ pudicitiaë sigillum consecrare vult auctori castitatis Domino IESV, superuenit ad ædes paternas Rex *Dagobertus*, in cuius comitatu erat Ducis cuiusdam *Austrasiorum* filius, qui eam in matrimonium postulauit. Sed Virgo Regi, parentibus & reliquis Principibus respondit: *Ego mihi Sponsum delegi, cuius æterna pulchritudine omnis*